

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO—
1 UG 2 TESALONICA**

Mensahe 16

**Giyahan sa Ginoo ang Atong Kasingkasing ngadto sa Gugma sa Dios
ug ngadto sa Pagkamalahutayon ni Cristo**

Basahong Kasulatan: 1 Tes. 1:3; 2 Tes. 1:4; 3:5

- I. “Gibubo na ang gugma sa Dios sa atong kasingkasing pinaagi sa Espiritu Santo, nga gihatag na kanato”—Rom. 5:5:**
- A. Gibubo sa Dios kining gugmaha sa atong kasingkasing pinaagi sa Espiritu Santo, nga gihatag na kanato ingon nga gahom nga modasig sa sulod nato aron labi pa tang magmadaogon sa tanan natong kasakitan—v. 5; 8:37-39.
 - B. Ang gugma sa Dios mao ang Dios mismo—1 Juan 4:8, 16.
 - C. Ang Dios nga gugma mao ang diosnong pagkamao nga gibubo sa atong kasingkasing—Rom. 5:5:
 - 1. May kalabotan sa pagkamao sa Dios ang pagbubo sa gugma sa Dios sa atong kasingkasing.
 - 2. Kay gianak na man ta pag-usab, duna tay gugma nga kinaiya sa pagkamao sa Dios sa sulod nato.
 - 3. Ingon nga mga magtutuo, sa kinahiladman sa atong kasingkasing duna tay iya sa diosnong pagkamao, ug kini ang Dios Amahan diha sa Iyang gugma.
 - D. Kay gibubo na man ang gugma sa Dios sa atong kasingkasing, kasingkasing na sa gugma ang kasingkasing sa magtutuo ni Cristo—Efe. 3:17.
 - E. Sa pagsinati ug pagpahimulos nato sa Dios nga Amahan diha sa Iyang gugma, makasinati ug makapahimulos ta sa pagpaambit sa gugma nga pagkamao sa Dios nganhi sa atong kasingkasing—Rom. 5:5, 8; 8:35, 39; 15:30; 2 Cor. 13:14.
- II. “Giyahan sa Ginoo ang inyong kasingkasing ngadto sa gugma sa Dios”—2 Tes. 3:5a:**
- A. “Gituohan nako nga dili ang kamatayon o ang kinabuhi o ang mga manulonda o ang mga kagamhanan o ang mga butang karon o ang mga butang nga umalabot o ang mga gahom o ang kahitas-an o ang kahiladman o ang bisan unsang ubang binuhat ang arang makabulag nato gikan sa gugma sa Dios, nga naa ni Cristo Jesus nga atong Ginoo”—Rom. 8:38-39:
 - 1. Ang gugma sa Dios maoy tinubdan sa Iyang walay kataposang kaluwasan.
 - 2. Sa kaluwasan sa Dios kining gugmaha kanato nahimo nang gugma ni Cristo (v. 35), nga nagbuhat og daghang kahibulongang butang alang nato pinaagi sa grasya ni Cristo hangtod mahuman ang kompletong kaluwasan sa Dios dinhi nato.
 - 3. Makahagit kining kahibulongang mga butang sa kaaway sa Dios sa pag-ataki kanato pinaagi sa tanang matang nga pag-antos ug katalagman.
 - 4. Apan, tungod sa pagsanong nato sa gugma sa Dios diha ni Cristo, nakaayo nato kining mga pag-atakiha—v. 28.
 - 5. “Ning tanang butanga labi pa tang nagmadaogon pinaagi Niya nga nahigugma nato”—v. 37.

- B. Segun sa Efeso 3:14-17a, “Makabalay si Cristo sa inyong kasingkasing pinaagi sa pagtuo”:
1. Hinimo ang atong kasingkasing sa tanang bahin sa atong kalag—sa salabotan, pagbati, ug pagbuot—ug sa atong konsensya, sa kinadak-ang bahin sa atong espiritu:
 - a. Kini ang mga bahin sa sulod sa atong pagkatawo.
 - b. Pinaagi sa pag-anak pag-usab nisulod si Cristo sa atong espiritu—2 Tim. 4:22.
 - c. Human niini, pakaylapon gyod nato Siya sa matag bahin sa atong kasingkasing.
 - d. Kay ang atong kasingkasing man ang kinatibuk-an sa mga bahin nato sa sulod ug ang sentro sa pagkatawo nato sa sulod, kon makabalay na si Cristo sa atong kasingkasing, makontrol Niya ang tibuok natong pagkatawo sa sulod ug sangkapan ug lig-onon ang matag bahin niini sa Iyang Kaugalingon.
 2. Ang pagtuo maoy pagpatinuod sa mga butang nga dili makita—Heb. 11:1:
 - a. Misteryoso ug dili makita ang pagpuyo ni Cristo sa atong sulod.
 - b. Dili nato kini masabot pinaagi sa lawasnonong mga pamatyag nato kondili sa pamatyag sa pagtuo.

III. “Giyahan sa Ginoo ang inyong kasingkasing...ngadto sa pagkamalahutayon ni Cristo”—2 Tes. 3:5:

- A. Ang kahulogan sa pagkamalahutayon:
1. Ang pagkamalahutayon maoy unang katakos sa kinabuhing mapahaomon-sa-tanan sa pagpangalagad sa bag-ong pakigsaad.
 2. Nagpasabot kini dili lang sa unsang pagpailob kondili sa kahimoan nga molahutay sa mga pag-antos sa kasakitan, pagduot, pagdaugdaog, paglutos, kakabos, o bisan unsang pagsulay.
 3. Ang pagkamalahutayon naggikan sa ug gisuportahan sa paglaom sa pagbalik sa Ginoo—1 Tes. 1:3:
 - a. Kanang pagkamalahutayon nga resulta sa paglaom inubanan gyod kanunay sa pagtuo.
 - b. Mao nga gigamit ang pamulong *pagkamalahutayon ug pagtuo* (2 Tes. 1:4).
 - c. Gikinahanglan ang pagkamalahutayon ug pagtuo sa mga paglutos ug kasakitan.
 4. Ang pagpugong sa kaugalingon pagbatok man sa atong kaugalingon; ang pagkamalahutayon pag-agwanta man nato sa uban ug sa mga sirkumstansya—2 Ped. 1:6.
 5. Segun sa 1 Tesalonica 1:3, ang nakapalahutay nato mao ang paglaom sa pag-anhi ni Cristo.
- B. Makatabang kanang dunay mga versiculo mahitungod sa pagkamalahutayon:
1. “Ang naa sa maayong yuta, kini sila ang naminaw sa pulong sa halangdon ug maayong kasingkasing ug nagkupert pag-ayo niini ug namunga uban sa pagkamalahutayon”—Luc. 8:15.
 2. “Sa inyong paglahutay mabatonan ninyo ang inyong kalag”— 21:19.
 3. “Alang niadtong nagtinguha sa himaya ug sa dungog ug sa pagkadili-madunoton pinaagi sa paglahutay diha sa maayong buhat, ang kinabuhing walay kataposan”—Rom. 2:7.
 4. “Nagpasigarbo sab ta sa atong mga kasakitan, kay nahibalo man nga mamunga og pagkamalahutayon ang kasakitan; ug ang pagkamalahutayon, sa pagkainaprobahan”— 5:3-4a.
 5. “Kon naglaom ta sa wala nato makita, mahinamon gyod tang mohulat niini pinaagi sa paglahutay”—8:25.

6. "Karon itugot unta sa Dios sa pagkamalahutayon ug pagdasig nga masama mog hunahuna ngadto sa usag usa sumala ni Cristo Jesus"—15:5.
 7. "Kon gisakit man mi, alang kana sa paglipay ug pagluwas kaninyo; ug kon gilipay man mi, alang kana sa paglipay kaninyo, nga nagbuhat diha sa pagkamalahutayon sa mao rang mga pag-antos nga giantos sab namo"—2 Cor. 1:6.
 8. "Sa tanang butang gipaila namo ang among kaugalingon nga mga ministro sa Dios, sa tumang pagkamalahutayon"—6:4a.
 9. "Ang mga timaan sa pagkaapostol gibuhath diha kaninyo sa bug-os nga pagkamalahutayon pinaagi sa mga ilhanan ug mga katingalahan ug mga buhat sa gahom"—12:12.
 10. "Kay ginamhan man sa tumang gahom, sumala sa kusog sa Iyang himaya, ngadto sa bug-os gyong pagkamalahutayon ug pagkamaintoson uban sa kalipay"—Col. 1:11.
 11. "Walay hunong nga naghandom sa inyong buhat sa pagtuo ug pangabudlay sa gugma ug pagkamalahutayon sa paglaom diha sa atong Ginoong Jesucristo, atubangan sa atong Dios ug Amahan"—1 Tes. 1:3.
 12. "Nga tungod niana kami mismo nagpasigarbo kaninyo diha sa kaiglesiahan sa Dios kalabot sa inyong pagkamalahutayon ug pagtuo diha sa tanang paglutos kaninyo ug sa mga kasakitang giantos ninyo"—2 Tes. 1:4.
 13. "Giyahan sa Ginoo ang inyong kasingkasing ngadto sa gugma sa Dios ug ngadto sa pagkamalahutayon ni Cristo"—3:5.
 14. "Tambagi ang mga gulanggulang nga lalaki nga magmapugnganon, magmaugdang, magmatin-aw og hunahuna, magmahimsog sa pagtuo, sa paghigugma, sa pagkamalahutayon"—Tito 2:2.
 15. "Gikinahanglan ninyo ang paglahutay aron nga, sa matuman na ninyo ang kabubut-on sa Dios, mabatonan ninyo ang saad"—Heb. 10:36.
 16. "Iwakli sab nato, nga gilibotan sa dako kaayong panganod sa mga saksi, ang tanang kakulian ug ang sala nga dali ra kaayong makalikos nato ug malahutayong modagan sa lumba nga naa sa unahan nato"—12:1.
 17. "Kay nahibaloan na man nga ang pagsulay sa inyong pagtuo mosangpot sa pagkamalahutayon"—Sant. 1:3.
 18. "Pahingpita ang pagkamalahutayon sa pagbuhat niini aron mahingpit ug makompleto mo, dili makulangan sa bisan unsa"—v. 4.
 19. "Ania karon, ginganlan natog bulahan ang mga nagmalahutayon. Nakadungog mo sa pagkamalahutayon ni Job, ug nakita ninyo ang iyang gidangatan gikan sa Ginoo, nga malumo kaayog kasingkasing ug mapuangoron ang Ginoo"—5:11.
 20. "Sa kahibalo, ang pagpugong sa kaugalingon; ug sa pagpugong sa kaugalingon, ang pagkamalahutayon; ug sa pagkamalahutayon, ang pagkadiosnon"—2 Ped. 1:6.
 21. "Nasayod Ko sa imong mga buhat ug sa imong paghago ug sa imong pagkamaintoson...ug nagmaintoson ka"—Bug. 2:2-3a.
 22. "Nasayod Ko sa imong mga buhat ug gugma ug pagtuo ug pag-alagad ug sa imong pagkamaintoson"—v. 19a.
 23. "Kay gituman man nimo ang pulong sa Akong pagkamaintoson, ilikay sab ka Nako sa takna sa pagsulay, nga hapit nang moabot sa tibuok yutang gipuy-ag tawo, aron mosulay nila nga namuyo sa yuta"—3:10.
 24. "Nia ang pagkamaintoson ug ang pagtuo sa mga balaan"—13:10b.
 25. "Nia ang pagkamaintoson sa mga balaan, ang mga nagtuman sa mga sugo sa Dios ug sa pagtuo ni Jesus"—14:12.
- C. "Ako si Juan, nga inyong igsoon ug masigka-umalambit sa kasakitan ug gingharian ug pagkamaintoson diha ni Jesus"—1:9a:

1. Nasayod si Juan nga naa siya sa gingharian:
 - a. Alang niya dili lang sa umalabot nga dispensasyon ang gingharian; naa na siya sa gingharian.
 - b. Makasulti siya nga ako ang “inyong igsoon ug masigka-umalambit sa...gingharian.”
 2. Alang sa kasakitan gikinahanglan ang pagkamaintoson ni Cristo—v. 9a.
- D. Pinaagi sa pagtuman nato sa pulong sa Iyang pagkamaintoson, ilikay sab ta Niya sa takna sa pagsulay, nga hapit nang moabot sa tibuok yutang gipuy-ag tawo, aron mosulay nila nga namuyo sa yuta—Bug. 3:10:
1. Ang pulong sa pagkamaintoson sa Ginoo mao ang pulong sa Iyang pag-antos:
 - a. Nag-antos pa gihapon ang Ginoo karon sa pagsalikway ug paglutos tungod sa Iyang pagkamaintoson.
 - b. Mga masigka-umalambit ta dili lang sa Iyang gingharian kondili sa Iyang pagkamaintoson sab—1:9.
 - c. Busa, ang pulong Niya kanato karon pulong sa pagkamaintoson.
 - d. Aron makatuman sa pulong sa Iyang pagkamaintoson, antoson gyod nato ang pagsalikway ug paglutos Kaniya.
 2. Walay duhaduha nga nagpasabot sa dakong kasakitan ang *pagsulay* sa Bugna 3:10 (Mat. 24:21), nga hapit nang moabot sa tibuok yutang gipuy-ag tawo, ingon sa gipakita sa ikalima ug ikaunom nga trumpeta, ug sa pito ka panaksan sa ikapitong trumpeta (Rev. 8:13—9:21; 11:14-15; 15:1; 16:1-21):
 - a. Naglakip sab ang pagsulay sa talagsaon kaayong mga katalagman sa ikaunom nga timbre ug sa unang upat ka trumpeta sa pagsugod sa dakong kasakitan.
 - b. Gisaaran sa Ginoo ang napahiuling iglesia nga ilikay Niya siya sa takna sa pagsulay (dili lang ilikay sa pagsulay, kondili sa *takna* sa pagsulay) kay gituman man niya ang pulong sa pagkamaintoson sa Ginoo.
 - c. Nagpakita kining saara sa Ginoo, sama sa gisaad Niya sa Lucas 21:36, nga lalinon ang mga balaang nagtuman sa pulong sa pagkamaintoson sa Ginoo sa dili pa ang dakong pagsulay, nagpasabot nga masulayan gyod ang wala motuman sa pulong sa pagkamaintoson sa Ginoo.